

اداره مخصوصه
درسعادتنده باب عالی جاده سنده

مستطابق

۱۳۲۶

مجله اداره :

دین ، فلسفه ، ادبیات ، حقوق و علوم دین باحث هفته لقا رساله در

اضطراب :
مسئله گزوه موافق آثار جدیده مع المصنوعه
قبول اول نور
درج ابدلین آثار اعاده ارتقا

مؤسسه لری : ابوالعلا زین العابدین - ح . اشرف ادیب

سنه لکی	التی آیانی
۶۰	۲۰
۸۰	۴۰
۸۰	۴۰

درسه دنده
ولایاتده
مملک اجنبیه ده

تاریخ تاسیسی :
۱۱ محوز ۳۲۴

درسعادتنده نسخه بی ۵۰ پاره در

قیرلهدن مقوا بورو ایله کوندریلیرسه سنوی
۲۰ غروش فضله آلنیر

درسعادتنده پوسته ایله کوندریلیرسه ولایات بدلی اخذ اولنور.

کتاب کائنات اسرار حق بی دهن سویلر
سواد ممکنات آثار ضعیبی سخن سویلر
سنگ کوشکده استعدادیوق ادراک نه یوقسه
لب جوده کال صنعی هربرک چمن سویلر

باب
یارب بونه ارتباط ونسبت — یارب بونه اختلاط والفت
یارب نه کوزل نظامدر بو — یارب نه نظام تامدر بو
یارب بونه سلطنت نه قدرت — یارب بونه هندسه نه صنعت
یارب بونه عزت وعلادر — یارب نه کمال وکبریادر

ترانمات

سعدی مرحومک بوستانندن انسانک خلقت ترکیبده کی صنع
باری به دائر نشیده :

بین تانک انکشت از چند بند بصرع الهی برهم درفکند
بس آشتکی باشد و ابلی که انکشت بر حرف صنعش نهی
باق ! صنع الهی ایله برپارمق نه قدر بند و ربطدن ترکیب ایتمش .
شوخالده باری تعالی حضرتلرینک صنعنه دخل و تعرض ایتمش جنت
وبلاحت اولور .

تأمل کن از بهر رفتار مرد که چنداستخوان پی زد و وصل کرد
که بی کردش کعب وزانو و پای نشاید قدم بر گرفتن ز جای
تأمل و مطالعه ایت ، جناب خالق انسانک مشی و رفتاری ایچون
نه قدر سکیر اوروب کیمکلیری بری برینه ربط و وصل ایتمش . اگر
کیمکلیری بری برلرینه سکیرلرله موصول اولسه طپوق ، دیز ، آفاق
دونمز و بونلر دونمزینجه آیانی یردن قالدیرمق قابل اوله میه جغندن
یوریبوب کزیمک ممکن اولمازدی . باء فارسی نک فتحی ایله « پی » سکیر
معناسنده کلورکه بوراده او معنایه در .

از ان سجده بر آدمی سخت نیست

که در صلب او مهره یک لخت نیست

انسانک آرقه سئده اوکورغه تعبیر اولنان آرقه کیمکی یکپاره
اولیبوب بلکه بری برینه گرفت برطاقم کیمکلردن مرکدر . بونک
ایچوندرکه سجده ایتمش ، اوتوروب قالمق انسانه مشکل دکدر .
اگر آرقه کیمکی تک برکیمکدن یا پلمش اولایدی پکسرت اولوب انسان
هیچ بر صورتله اکیلوب بوکیله مز و اوتوروب قلغه مازدی . صادق
ضمیمه صلب عربجهده آرقه کیمکنه دینورکه اوکورغه تعبیر اولنور .
وفارسیده میمک ضمیمه مهره اطلاق ایدیلور . ناظم بوراده صلبی
ظهر یعنی آرقه معناسنده استعمال ایتمش . لامک فتحی و خاء معجمه ایله
لخت لسان فارسیده پاره ، جزء ، حصه معنایرینه کلور . بوراده یک لخت
یکپاره دیمکدر .

دو صد مهره در یکدگر ساختست

که کل مهره چون تو پرداختست

خدای متعال سنگ کبی بالچق بر مهره بی حرکت ایتدیرمک ایچون

ایکیوز اوکورغه کیمکلیری یکدیگره باغلامشدر . نه قدرت علیه که بر
طوتام بالچقه شو صورتله صلابت ویره رک مشی و حرکت ایتدیر یور :
کل مهره : بالچق مهره معناسنه ترکیب مزجی در . بو ایکنجی مصراعده کی
مهره بزم دخی مهره دیدیکمز شیدر .

پرداختست [پرداخته است] دن مخفف و [پرداخته]
پرداختن مصدرندن مشتقدر . بو مصدرک فارسیده متعدد معنایری
واردر ، بوراده تحریک ایتمش معناسنه در .

رکان درتت ای پسندیده خوی

زمینی درو سیصد وشصت جوی

ای ممدوح الجصال ! سنگ تنکه طمارلرک . ایچنده اوچوز ایتمش
ایرمق بولنان بر زمین در . چاپلر ایرمقلر روی زمینی سقی واروا
ایتدکاری کبی بونجه شریانلر و طمارلرده درونلرندن جریان ایدن
قانلرله جسده کی آتی سقی و اروا ایدیورلر . رکان : رک جمعی در .
رانک فتحی و کاف فارسیله رک : طماردیمکدر .

بصر درسر و فکر و رای و تمیز

جوارح بدل دل بدانش عزیز

باشده کوز وار ، فکر و رای و تمیزده وار . جوارح و اعضا
قلب ایله قلبده علم و دانش ایله عزیز و مکرمدر . باشده ذائقه ،
شامه ، سامعه کبی حواس ظاهره وار ، بالخاصه رخسار عاطفت جلیله
الهی اولان دو چشم ایله تنویر ایدلمش . درون رأسده ایسه فکر
و رای و تمیزی محتوی بولنان عقل وار . بقیه جسد ، لطیفه ربانیه
اولان قلب ایله ، قلبده علم و عرفان الهی ایله اعزاز و تکریم ایدلمش .
تمیز : تمیزدن مخفف . جوارح اعضا معناسنه در .

بهایم بروی اندر افتاده خوار

تو همچون الف بر قدمها سوار

بهایم یوز اوستی خوار و حقیر دوشمش اولدینی حالده سن الف
کبی مستقیم اوله رق ایقلرینک اوزرینه سوار ورا کب سین . انسان
سائر حیواناته غیر مشابه بر صورتده مستقیم القامه خلق اولمش و بو
جهتلهده قدر و مرتبه سی ترفیع بیورلمشدر .

برکت زاره : اسماعیل صفی



مجله جمعیتی

مفنده برخطره : اجزاء

شمعی کله م « ایکنجی قسم مجله » نقطه نظرندن بودواتک اوصافی
نصل اولمق لازمه کلیورمش ؟ ایشته بو نقطه دن ده تحریات اجرا ایتمش
ایجاب ایدیور .

دیمش دک که : ایکنجی قسم اعتبار ایتدیکمز مجله مجتهدات جدیده دن
تشکیل ایده جکدر . زیرا بوقسم ، عصر اخیرک ، حال اجتماعیمزک
ایجاباتندن اوله رق بالضروره تحدث ایدن وقوعات ، حوادثی حکملری

جهتندن يك ديكر لرينه ربط ايدن بر طاقم قوانين كليۀ شرعيه يي احتوا ايدہ جقدر . بتون احتياجا تمزه مساعد ، كافي اوله جقدر . امور اقتصاديه مزه ، جزا نظامنامه لرينه وارنجيه قدر بوراده مرجع ، مأخذ بوله بيله جكز . خلاصه شو اجتماع مدنيزه مساعد ، كافي اوله جقدر . كتب فقهيۀ قديمه مزده بونلره بردورلو استنادكاه بوله مدنيغمز حالده ، شريعت جليله مزه مستند ، طوغرودن طوغرويه آندن مأخذ اولان اشبو مجله جليله مزه وضوحلى مادۀ قانونيه يه موفق اوله بيله جكز ...

اشته بوقسم مجله نكده نهدن عبارت اولديني بر درجه يه قدر آكلاشادي . بناء عليه بوقسم نقطۀ نظرندن ، اشبو جميته اشتراك ايدہ جك ذاتلك ده طوغرودن طوغرويه اصول ثابتيه توفيقاً قواعد لازمه يي ادله شرعيه دن استنباطه مقتدر ، اوصاف ثلاثۀ مذكورہ يي حائز بر مجتهد اولسي لازم كلديكي بتون وضوحليه ميدانه چيقدى : مجتهد لازم ... ديمك اهالى اسلاميه ايجنده دائماً مجتهدلر بولنالمش . باب اجتهاده مسدود دكلش ... ايشته يكي بر مسئله !

فقط بن شمدليك باب اجتهاد مسدودى ، دكلى ؟ بورالزندن بحث ايتك استميورم . زيرا بن دها كنندمه نصل اولديغنى كسديره ميورم . فقط تحريات مسروده دن آكلايورمكه « احتياج » ، طلقاً باب اجتهادك آچيق اولماسى لازم كلديكى كوستريور . شريعتمزكده احتياجه قارشو كلديكى يقيناً بيليورم . بوحالده باب اجتهادك مسدود اولماسى لازم كليور . بن بوقدر ديه بيليم . دها على طبقه لرندن بحث ايتك علماء كرام حضراته ، استاذلره محولدر .

فقط بوبابده تحصيلمزہ تماس ايدن بعض نقطه لرندن ، فكرمك ايرديكى قدر ، ولو برنبذه اولسون دوشونمك ايستم . مسلّمه ، حاله ، تماماً تماس ايدن بر نقطه يي بر اقوب كيدويورمك المدن كلز . دوشونويورمكه : باب اجتهاد مسدود دكلدر ، دينلرده بر شخص تعيين ايدهرك : « ايشته بومجتهددر ، بناء عليه باب اجتهاد آچيغمش ؛ بوشخص بر مادۀ نقض تشكيل ايدويور ... » ديه اثباته قائلشميورلر . بلكه بر چوق دلائل ايراديله اثبات ايدويورلر . باب اجتهاد مسدوددر ، دينلرده : « قاپوسى قاپالى ايتش كه داخل اولان بولنميور » ديهرك قاليور ، امتناعى اثبات ايدہ ميورلر . بناء عليه هر ايكي طرفه بالاتفاق درجۀ اجتهادك صحيفۀ مكناتدن سيانمديكي آكلاشيلويور . ديمك بوزمانمزده ده مجتهدلر بولنه بيله جكمش ...

مادامكه حال بويله در ، نهدن مجتهدلره تصادف ايدہ ميورز ؟ اشته بوسؤالك جوابنده بنده كز ايكنجى فرقه دن آريلويورم : آنلر : « قاپو قاپالى اولديغندن هيچ بر كيمسه داخل اوله ميور » ديورلر . عاجزلرى ايسه : خير ، مادامكه درجۀ اجتهاد صحيفۀ مكناتدن سيلنمش . سيلنمكده ايجاب ايدر ؛ بوحالده عدم دخول ، قاپو قاپالى اولديغچون دكل ، قاپويى دق ايدہ مديكمزدن ، دها طوغروسى اوقاپويه طوغرو بيله كيتمك استديكمزدن باشقه بر شيئه مستند اوله مز . بزدرجۀ اجتهاد كبي على مقاملرى خاطر مزدن بيله كچرديكمز

يوق كه اورالره قدر واصل اوله بيله لم . بيله ميورم ، نه سببه مبيدر ، بزده على حس ، على ذوقلر ، يوكسك همت ، يوكسك غيرتلىر تمش ياخود اساسندن بولنالمش . هر ايكي سي ده جائز . زيرا بوفكر تقليد بزم آرہ مزده يدى سكرز يوز سنه دنبرى سوروكنمكده در . طيبى كيتدكده ترقى ايتش ... اشته بتون بونقصانلر مزدن همتلر لكر مزدن طولايى تحصيلده اولان طريقمزى شاشيرمشز . الله ايجون انصاف ايدہ لم ... او اون بش ، يكرمى سنه لك تحصيلمز ايجنده ، او بيوك اسلافك ، او على همتلى مجتهدلر ك ديز چوكهرك تحصيل ايتدكلرى علوم اسلاميه دن ، آنلر ك كمال دقتله تعقيب ايتش اولدقلى آئاردن هانكيسنى اوقودينغمز ، او كرنديكمز وار !

تفسيرى ؟ .. خير ، قاضينك تعقيدلى عباره لرني حل ايتمكه تفسير اوقونمش ، بيلنمش صايلمز .

حديثى ؟ .. خير ، حديث شريفلى اعراب ، بنايه بو غمقله حديث اوقونمش بيلنمش اولماز .

اصولى . فقهمى ؟ .. بونلره ده « خير » دن باشقه بر جواب بوله ميورم . زيرا مرآة ، درر ، غرر اوقومقله بو علملر تحصيل اولنمش صايلمز .

احتمال دير سكرزه : بوحالده بزنه اوقويه جغز ، اوقويه جق برشى قالمدى ؟ بوكا قارشوده دينيله بيليركه : اوبيوك مجتهدلر ، اوبيوك اسلافز سرك اوقودينغمز كتابلريمى اوقوديلرده مجتهد ، عالم اولديلردى ؟ خير ، ديه جكسكز دكلى ؟ بوحالده سزده طوغرودن طوغرويه آنلر ك اوقوديني آئارى اوقومه يه غيرت ايدہ بيليرسكز .

برده علوم مقصوده يه مقدمه ، آلت اولق اوزره تحصيل ايتمكه بولنديغمز علوم عربيۀ لسانيه يي بويله مى تحصيل ايتلى ايدك ؛! لسان تحصيلى يالكز بر اسلاملره مى مخصوص بر حال ؛ بتون اقوام ، بتون ملتلر ايجنده ، شو عصر مزده لسان تحصيلى موده اولمش ، دها طوغروسى مجبوريت تحتله داخل اولمشدر . بناء عليه لسان تحصيلى بويله بر احتياج عمومى حالى آلدنغندن بو خصوصده بر چوق فكرلر ، امكلىر صرف اولنمش ؛ بر چوق اصوللر ميدانه كتورلش ؛ ايكي اوج سنه ده مكمل بر لسان الله ايدويورلر . بز نصل اوليورده عرب لساني ايجون سكرز اون سنه عمر صرف ايتديكمز حالده نه لساني ، نه انشا و كتابتنى ، نده آداب و بلاغتنى او كرنه ميورز ؟ . اشته بونقصانمز دن طولايى تفسير ، حديثه كلنجه يلكنلر مز صويا اينيور . عباره حلندن ، اعراب ، بنا بچشدن كچه ميورز . لنه ، معناسنه ، روحنه ايريشه ميوز . اشته بوندن طولايى « باب اجتهاد قاپاليدر ، دخول ميسر اولمايور » ديمكه مجبور اوليورز .

بناء عليه بزده باشقه لرى كبي ، اصول تدريسده ، باخصوص لسان تحصيلنده او اصوللردن ك بيكيسنى ، ك مكملنى قبول ايلمليز . بو طوغرو وخصوصده تصب ايتك قطعياً جائز كورلر . پاره ده اسراف حرام ايكن ، عمرده نهدن حلال اولسون ؟

تصویرات، تصدیقات دیه منطقدن بعض شیر اوقیورز. حالبوکه شمدی منطق بسبتون باشقه بر شکه کیرمش، ترقی ایتمش، عادتا حیاتک، معیشتک تنظیمه یاردم ایده بیه جک کبی بردوره یه داخل اولمشدر. بز نندن آندن استفاده ایتیم؟

حکمت، نلسفدهه بوسبتون ترقی ایتمش؛ خیالات، اوهام دوره سندن چیقمش، حقیقه پک زیاده یاقلاشمشدر؛ علم کلامزه یاردم ایده بیه جک برحاله گلشدر. او حکمت قدیمه، او قاضیمیرلر بوسبتون صاحبهدر. آنکچون وقت ضایع ایتک قطعاً جائز کوریهلمز.

بوزواللی فنلر، علملر بزم المزه دوشدکدن صوکره بوسبتون دوروب قالمش، قطعاً ترقی ایتهمشدر. بلکه بالعکس تدنی یه اوغرامشدر.

بناءً علیه هیچ برتمرد کوسترمکسزین بوفنلرده، بو علملرده، اصول تدریس دخی داخل اولدینی حالده اک ییکلرندن، متأخرین طرفندن تهذیبه مظهر اولانلردن انتخاب ایتلیدر. آثار اسلامیهدن ایسه، فکرجه اک اسکیلری ایدر. متأخرینز بونلرده حقیقه خدمت ایده مه مشلدر. علوم اسلامیه، آثار اسلامیه روجه، معناجه، تألیفجه، تدوینجه بروقتلر ترقی ایتمش ایتمش ده صوکره باب اجتهاد قاپاندی فکری چیقمش؛ اشته بودوردن اعتباراً علومزده، آثارمزده اولان انتظام تدنی ایده ایده بو حاله کلمش؛ کندمزده شودرکله قدر ایتمش قالمش. بناءً علیه آثار اسلامیهدن یدی سکزیوز سنه مقدمنده یازیلان اثرلر بدرجه یه قدر کندو مکملیت و صافیتلرینی محافظه ایتمشلردر. اشته شونکچون بز شمذیلک آنلری التزام ایدهلم؛ دهها بر وقتله قدر آنلردن آیریمهلم.

خلاصه: مجلس مبعوثانجه یکی بر مجله جمعیتک تشکیلی طلب اولنیور. بوجمیت مکمل بر مجله مدنیه واجتماعیه میدانه کتوره جک. بوجمله نک اساسی شبهه سز شریعت جلیله احمدیه اوله جقدر.

اشته مسئله بوندن عبارت. فقط بوجمیت کیملر اشتراک ایده بیه جک؛ بونلرک نه کبی اوصافی حائز اولملری لازم؛ اشته اصل موضوع بحث اولان نقطه ده بوراسیدر. بوکا جواب ویره بیلیمک ایچون مجله مطلوبه بی یکی قسمه آیردق، اوله اعتبار ایتدک. جمعیته اشتراک ایده جک ذواتک برنجی قسم اعتبار ایتدیکمز مجله نقطه نظرندن شروط ثلاثه اساسیه بی، ایکنجی قسم نقطه نظرندن شروط اربیه اساسیه بی حائز بولملری لازم کلدیکی واضحاً میدانه چیقدی.

نتیجه: بناءً علیه مجلس مبعوثانجه مطلوب اولان، برنجی قسم اعتبار ایتدیکمز مجله ایسه جمعیت اوصاف ثلاثه بی حائز ذواتدن؛ یوق، مطلوب اولان ایکنجی قسم، یاخوده ایکیسندن اعم بر معنا ایله اعتبار ایتدیکمز مجله ایسه بری «اجتهاد» اولق اوزره اوصاف اربیه بی حائز ذواتدن تشکل ایده جقدر؛ اوله اولمالیدر.

شونی ده علاوه ایدهلم که: مجلس مبعوثانمزجه مطلوب هر

ایکی قسمدن اعم اولان بر مجله ایسه، بری اجتهاد اولق اوزره اوصاف اربیه بی حائز اوبیوک انسانلری نرودن بوله جغز؛ اشته اصل اشکال بوراده... هایدی، اوصاف ثلاثه بی حائز انسانلر مبدول بولنور، دیلم، فقط ایش بوقدرله بتمیور، اوصاف ثلاثه بی ده حائز مجتهدلر لازم. مجتهدلری نرودن بوله جغز، بزده «مجتهدلر» کیم؟! بزم تحصیلمز، تربیه مز، مدرسهلر مز، جامعلر مز اوبیوک ذاتلری یتشدره بیه بی؟ هیات!... بز، بوفکری تجویز ایدنلره بیه نادراً تصادف ایدیورز. فقط بزده مجتهد یوقدر، دیهرکدن ایشمزی، کوجمزی، تشبتمزی یوز اوستیمی براقه جغز؛ بویله یایمقده کلمز؛ بزه عالم کولر؛ رسوای اولورز. حیاتجه، معیشتجهده بیوک ضررلره اوغرارز. بونکله برابر، صرف کندو تنبلکمزه عائد قباحتهمزی - حاشا - شریعت مطهره یه یوکلمک استرسهک، شریعتمزده اهانت ایلیمش اولورز؛ - معاذالله - حالمز ده فالشیر....

بناءً علیه بعدما حالمزی، تحصیل، تدریس مزی باخصوص مدرسسه، جامعلر مزده اولان تحصیل، تدریس مزی اصلاح ایلملی؛ احسن حاله افراغ ایله ملی. فرصتی قاجیرما ملی. فرصت دهها هنوز المزدهدر. تمام بتون قوت، غیرتمزله چالیشه جغمز وقت... فقط اهمال ایدرسهک فرصت بردقیقه دورمز، فوت اولور. زیرا حیات، معیشت، احوال اجتماعیه دائماً ترقیدهدر. بز بویله بطی داورانور، کندو تنبلکمزی، کندو جهالتهمزی مقدس شریعتمزده اسناده قدر یلتیرسهک، اشته اوزمان بز کندومزک اورتالقهده خائب، خاسراولهرق یالکز قالدیغمزی کوررز: هم شریعت بزه وداع ایتمش اولور؛ هم حیات، معیشتده کندو اودا واجباسیله بز ی فرسخلره اوزاقده براقهرق کچمش، کیتمش اولور.

بناءً علیه خاتمه اولهرق دیرمکه: شمذیلک اشبو تأسیسی مقرر بولنان مجله جمعیتنه ممکن مرتبه - الطاعة بقدر الطاعة - شروط اساسیه مسرووده بی حائز ذواتی انتخاب ایلملی ده همان ایسه باشلاملی. استقبالمز ایچون ده بتون قوتمزله نقطه بصیرتله تدارکاتده بولنالی، چالیشملی....

ابر صابر: هلمیم ثابت قرانی

قضا و قدر

جناب حقک بو عالم خلقتده جاری اولان قانون الهیسی اقتضاسندندرکه عقاید وجدانیه نک افعال بدنیه اوزرنده بر تصرف کلیسی واردر. صالح، فاسد، نه قدر اعمال وارسه جمله سنک منشای عقیده نک صلاحی، یاخود فسادی در. بعض عقیده لر واردرکه افکارک اُتکنه یایشه زق کندیسنه طوغرو چکر، دیگر برطاقم عقاید ومدرکاتده اوکا اتباع ایدر؛ صوکره بدنیه برطاقم اعمال ظاهر اولورکه بونلر باطنده کی انفعالاتک عینی در، یاخود او انفعالات ایله متناسب در. کذلک بعض اوله اصول خیر، اوله قواعد کمال واردرکه بر تبلیغ